

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Lisa Tepe: Bleeikweg, Dränke un Fangmanns Pad, use Strauten

urn:nbn:de:gbv:45:1-5285

Lisa Tepe

Bleeikweg, Dränke un Fangmanns Pad, use Strauten

Dor frog'se mi glatt: „Watt is denn datt?“
Datt wö'n Sandwiarge un Pättkes un dor läupen wie her,
an Messgörd'ns vöbi un Wisken krüz un quer,
spiarl'n Vöstoppen un Fangen, watt'n Vögneugen
achter Büske un Bärken. Un datt köggi woll gläub'n.
Et geif nix, watt wie nich wüssen.
Orwer Tüne un Hi argen, wö watt vö us Bussen.
Kien Auto, kien Trecker, nix keump us inne Quere.
Uppe Wisken, dor läupen woll Köuhe un Piäre.
Wie dän Brümmelkes säuken, saubaul as se riep.
Deei wöd'n nich sprizet, deei schmükken alltied.
Appelbäume deei stürmen dor alle wiargen,
dä'n Johr vö Johr auk heller drärgen.
Wie schüddeln deei Bäume un euten us satt.
Deei kossen kie'n Penning, datt wö doch noch watt!
Geift kiene Appeln mä uppe Bäume un wö datt Säuken daun,
bleiw us nix änners orwer as deei „Migappelbaum.“
Deei wö man blaus vö ganz leeipe Tieten,
vö us heut datt dann ... in'n sur'n Appel bieten.

Lisa Tepe

Ella hupp !

At Schoulkinner freuen wie us immer uppe grautn Pause. Wat kann'n wie dann fein sperln, Seeilspringen, Völkerball oder Ball anne Wand, Hinke-Pinke, un auk mit use bunten Knickers. Manges keump orwer „deei Pole Andrey“ (Kriegsgefangener) mit Perd un Wagen vöbie, heei woll dann norre Mörln un ha immem paar Püngels Ködn uppn Ackewagen.

Wie Kinner läupn dann an'n Hagen un räupn: „Ella prrr“, prompt bleif dat Perd staun. „Ella hupp“, ser Andrey, un Ella trück wir an. „Ella prrr“, un deei aule Zosse bleif wir staun.

Use Lährer hat woll all seein, ower heei läut us usen Sposs. Bios eenmaul dor weut et denn Andrey tou dumm. Heei sprüng von'n Wagen, bünd siene Ella anne Ringsen, un mit een'n grauten Satz wö heei orwem Hagen. Heei läup up denn Lährer tou, un futere in sien brorken Dütschk: „Hallo Leller, warum Kiender iimer laufen lassen, Kiender iimer sprärken prrr, prrr. Kiender ricktik Schweinekiend.“ Use Lährer räup us tousamm'n un segg ganz streng: „Das ist jetzt ein für allemal vorbei, habt ihr mich verstanden?“

Un dat harn wie alle richtig vöstaun. Vöde Andrey wir mit sien Perd vöbie, dann kribbelde et us, ower wie traun us nich mä tou roupn. Heei lachede dann un winkede us auk noch tou. Wie keiken dann ännem Weg henn, un dän sau, as wenn wie äm ganich seigen.

